


持人菩薩所問經

第四

百四十四
方八

48224



元祿九年丙子二月日重脩

皇圖瓊閣 帝階級昌

佛日增輝 懋輪常轉

山城州天安寺法金剛院置



持人菩薩所問經卷第四

西晉三藏法



師法護譯

世俗度世品第九



佛告持人菩薩何謂菩薩得曉了知現世度

世經典之要云何名曰現世度世若有菩薩

常順思惟現世度世云何順思何謂現世法

何謂度世法若有住於顛倒法行皆從想有

由因緣生合於虛妄有二緣立從二想生一

從虛妄二從無生其虛妄語欺迷惑法得愚

真相猶如小兒執若于種盡於虛空虛妄經

行愚冥凡夫想云有世計其世俗皆歸壞敗

糜散悉盡以見一切世俗諸法從虛欺惑所

因魚方作本持人菩薩所問經無所生陰種諸入皆從緣對色聲

香味觸由因緣法不說色緣猶愚凡夫心有

所倚所以諸見因無數見而有倚著若彼種

恠施存窮匱令世間見處在顛倒所觀世法

度世在彼為何所是世俗之法真諦如有達

其本淨是為度世明不求世了不可得度世

亦然若不能得現世度世亦無現世乃度世
業宜其度世現世本淨何謂宜布度世之業
若世本淨至于度出所以者何永不可得現
世本淨悉空寂然其世亦然本以自然世本
淨寂以世自然世淨寂然計世俗法無究竟
成當作是觀現世度世悉不可得不得度世
不著於世不念度世以不念世及度世者不
與世諱所以者何以覺曉了世間悉虛欺詐
惑法以能觀見世倚虛無不想於世不慕度
世所以者何佛言持人所云世者謂五盛陰
也貪求合會一切世法明知求陰永不可得
五陰自然而不可得五陰本淨亦不可得

陰無來去無所至湊處不可得是曰度世
知五陰所歸處所也以無五陰諸種本淨及
諸衰入之本淨也若有菩薩觀於世俗之法
悉無所見以合度世不見度世不與世合則
無有世惟觀度世在于度世不見世法而有
異特也不轉二法云是世俗是度世法所以
持人菩薩所問經四
者何持人其所在世解世本末本無所有度
世亦然雖見有世悉無世法所作分別度世
俱同以了無世假使有人心自念言世俗別
異度世不同則於其人佛不興世雖佛出世
普世顛倒無發道行用真正解以慧察世班
盧經法處世顛倒貪受于世而救濟之故也

度世也是故持人用真正解以慧察之曉
世倒故曰度世也如來出世普通諸法世俗
度世皆無有二以真正慧觀察造證故為直
布度世之法佛言持人不以是法遊於世間
無所至湊無所消除不倚世諱乃得世義不
念度世曉了世辭達本所想以著想二不解
能達如是像法則無濟者不能解了不暢度
世所以者何用二行故其二行者不能解了
世俗度世菩薩如是方便曉了一切諸法現
世度世靡所不達

持人菩薩所問經有為無為品第十

佛告持人何謂菩薩曉了分別有為無為

云何有為無為法若有所菩薩以真正觀有為
無為順理求之云何順理云何求之亦不作
有為法有所見者自然得号已造有為故內
有為又有為法以虛偽轉云何為轉由已合
會自然歸之以二緣立緣本際教用以所有
自因而生一切諸法無為作者勸使作者自
持人菩薩所問經四
然生已是有為法斯自然法無有迴還故曰
存為其有為法無內無外亦無中間住存欺
惑無合無散由從虛妄思想興立從無明緣
生愚癡業有一切法自然轉行無教造行從
有為事受其相業因其顛倒以愚凡夫倚名

故又明智者覺了有為不可得邊不倚

為不合有法乃由明智明智分別至實有為
造行滅一切為明智剖判一切諸行虛無欺
詐是諸法者悉無所有成為自然亦無自然
從意念成一切有為所以者何不當奉行有
為因緣惑曉無為未曾復習有為緣行若曉
無為亦乃通耳云何曉之一切有為皆為不
真而無有形悉無邊際無至合會明智觀之
不以有為至生究竟其有為者亦無所受悉
以無異有為無為亦復無異生宜斷有為業
是有為是無為斯有為相斯無為相彼何謂
有為相知生當死合會別離何謂無為相不

不滅不會無別愚冥凡夫不能解了入斯

義不曉有為所由起相及滅壞相不住異
相內無相生住於異也若無是相如來所說
從是相生從是相滅住如是相佛言持人如
來所云一切諸法皆無有相以能得成無所

生相無滅壞相無所住相如來敷演無為之

相是相非相其有為相不成無為導師所以

方 持人菩薩所問經四

愚冥凡夫所宜道法有為所起會歸滅盡惟

無為安以能無為不生不滅亦無所住故曰

無為從其所習而今生滅其無所習則無究

盡無行無究無異住處其以真正解其斷慧

不致合會有所起生而有滅也無有異住若

若菩薩當作是觀其有為法及無為法無有

無常見如應不覩有為及無為法有為不見無為不見有為不見異無為而自謂念我身有矣真有正是見有為業無餘有為是諦有耳思念妄想其有為無為法永無所想有為無為以無所想分別諸想皆斷諸著以了無為除去衆緣本淨無緣其因亦淨所以觀真正以能曉了悉無所作則無合會菩薩以能逮是有為無為則了諸法不有不無亦復不倚有為無為乃逮正覺也佛告持人若有菩薩分別五陰曉了諸種解達六入以能暢知十二緣起剖判四意止五根八道能覺世俗度世之業明知有為無為之事以曉了

是逮解一切諸法之元宣布諸法所不逮者
得意力勢解暢一切諸法章句斷生老死心
不能絕壞能自究竟無上正真道成最正覺
持人菩薩所問經寶光菩薩品第十一

佛告持人乃往過去無央數劫不可稱計懸

曠無限小時於世有佛号紫金山王如來至

持人菩薩所問經四

真等正覺明行成為善逝世間解無上士道

五

法御天人師為佛世尊其紫金山王如來壽

住五劫諸聲聞眾不可計數諸菩薩會亦不

可限無能稱了知其多少其土熾盛風雨時

節五穀豐熟人民安寧強不陵弱各得其所

心行平等飲食消化不以為病媼怒癡薄善

自修身家居義教順律清淨彼時如來為諸
菩薩一切衆生決諸疑網令無懷恨班宣菩
薩道法之藏時有菩薩名曰寶光聞佛說是
諸菩薩業解陰裏入諸種十八十二緣起諸
根意止八正道行世俗度世有為無為即輒
奉受如是精進十二億歲未曾發起姪怒癡
心不貪利養飲食衣服牀敷卧具病瘦醫藥
惟心精修入如是像曉了思惟常修精進盡
其形壽淨修梵行在其佛所壽終之後還生
本土在於人間適生墮地便復出家復受學
斯如是像法曉了奉行復在放彼六十億歲
淨修梵行心不捨遠如是像法慕求不廢復

壽終竟還生佛國其紫金山王如來續存獲
在其所淨修梵行一一劫中五返生沒終而
復始其紫金山王如來至真臨欲滅度終五
劫已因是景模博聞無量曉了諸法於五劫
中所可聞受親已從佛諮講解者逮其意力
觀戴如來便為衆生一一敷演開發無量人
方持人菩薩所問經四
皆發無上正真道意佛滅度後正法住一劫
復五百返往來周遊生於人間常出家學奉
是景模曉了正典化無央數不可思議衆生
之類皆入至行寶光菩薩見萬億佛最後有
佛名無量光如來至真等正覺所見授決却
無數劫汝當成無上正真之道過無數劫當

復逮見億百千姦兆載諸佛逮最正覺号決
一切議如來至真等正覺諸聲聞衆不可稱
計難可限量諸菩薩衆無央數人其國處世
人壽二劫米穀平賤人民安隱是故持人菩
薩大士欲逮得是如斯景模曉了正典當精
進學受持諷誦是經典要佛復告持人若有
菩薩學是經典逮權方便常修四法何謂為
四一曰棄家捐業行作沙門二曰捨于憤鬧
習在閑居三曰住清淨戒行不違闕四曰去
離懈怠精思不廢是為四以行是四勤求博
聞常立忍辱疾逮四法何謂為四一曰雖生
天下常住中國二曰因值佛世不在邊地三

曰常奉正法終無相違四曰悉除罪蓋無復
殃豐是為四若有菩薩學如是像經典之要
輒逮力勢布施清淨戒禁無穢忍辱精進一
心智慧聖明無瑕以逮是法致權方便又告
持人菩薩學斯立知止足閑居功德懷無蓋
哀愍乎衆生以用大哀入于衆生然後乃學
方如是像法解了要行又其菩薩入惣持門學
持人菩薩所問經四
於勤修何謂得入惣持門而學勤修志慕勤
思曉了量法方便觀察奉無限行又解了觀
諸定意門諸要法門入不可計因緣正行逮
致如是比像力勢曉一切法分別諸法得意
力勢以能曉了新生老病死志強無怯不失

正法乃成無上正真道意逮最正覺佛復告
持人若有菩薩通惣持門普能曉了一切諸
法言辭所趣以用一事入百千事以用道力
分別諸法無所不達又若菩薩逮定意門入
音聲便入無限定意門雖以得入是了若干
品一切法門以入一切諸法道門班宜諸法
靡不蒙濟又其菩薩奉行智慧以是慧力曉
了諸想勤解想已以是慧力逮一切法疾通
無礙又若菩薩曉了無量定意門行以住是
地普致一切佛十力法又若菩薩曉了無量
惣持門行解不可計定意門力以定意門暢
不可限衆法之元以是道地普入諸法靡所

不通又其菩薩甚能曉了觀世間行極復分
別有為無為奉行諸法心所不著有為無為
行如是像一切諸法疾解諸法逮得慧明又
菩薩行權方便勤察一切諸法本無所行雖
作是觀不為世事不著世法亦無所倚如是
像法疾得曉了一切諸法分別諸法意力施
方持菩薩所問經財剗判章句斷生老死意行具足是故持人
菩薩大士於是模法而度無極何謂為四於
斯法典奉如道義勤修生法於斯經典逮無
里礙普入道慧

持人菩薩所問經往古品第十二
佛告持人乃往過去無極數劫不可稱計長

遠無限。尔時有佛，号無量光超殊王如來。至
真等正覺，明行成為善逝。世間解，無上士道。
法御天人師，為佛世尊。其佛世時，諸聲聞衆
不可計數。大會無限，諸菩薩會不可稱載。其
佛在世時，壽一劫。又彼佛土，皆以七寶而徧
覆。城七寶樹，生周匝圍遶。以用莊嚴。一切諸
樹，殊異珍奇。枝露帳覆。又諸樹下，皆施師子
牀。其諸牀上，細好白氎。裏樹布牀。一切諸牀
琉璃為足。以赤真珠而枝。諸樹自然熏香。合
成諸葉，葉常茂盛。而圍旋之。其寶樹前，自然
浴池。有八味水。其水底沙，悉以水精。碑磔赤
真珠合成。又以三寶造成浴池。其諸浴池白。

生青紅黃白蓮華又諸池水以七寶作枝飾

欄楯一切欄楯地平如掌又其佛土清淨魚

穢其佛國土寶樹熾盛猶忉利天晝度大樹

嚴飾巍巍明月珠樹諸億千種充滿佛土其

光悉照覆日月曜令不復現其諸寶樹琦珍

枝露出好音聲哀鸞象鳥天諸玉女歌音樂

聲如是軟美普流佛土無三惡趣不犯諸惡

不為衆生宜雜句說惟以敷演如斯像法智

度無極是菩薩藏化無央數諸人物衆一日

皆發道心其本發心志存大道便悉具足道

品之法如是持人其無量光超殊王如來至

真因其方便化不可計無央數載衆生發道

持人菩薩所問經四

九

心今生下方去此佛土在彼佛土成菩薩行
佛滅度後正法存立竟至半劫時佛滅度後
正法便沒有一菩薩名意無限從下方佛刹
來生此土其國去斯十佛世界適生未久年
十六歲便捨捐業行作沙門在無量光超殊
王佛所諮受經典臨法沒時為諸菩薩宣布
陰種一切諸入分別解義聞如是像精進之
行在於斯法所度無極攝權方便因是德本
彼土授決見億數佛普蒙斯法所生之處常
識宿命皆以幻童不娶妻室淨修梵行以家
有信出為沙門所生之處逮得意力常所受
身成就功勳而最後世逮得無上正真之道

為最正覺号曰無量光辭王如來至真等正
覺若有菩薩疾欲得成佛逮一切智具足佛
道在後五濁臨法欲沒當勤志成如是像法
輒受宣布盡以愛樂常行精進最後末俗受
是經典德勲無量諷誦奉行為他人說福不

可喻

方

持人菩薩所問經四

持人菩薩所門經毘陀和五百人品第十

十

介時毘陀和等五百菩薩憍曰兜菩薩即從

座起長跪叉手前白佛言我等世尊最後末

世臨法滅時當受是法住於後世五濁之世

擁護正典持是景模諷誦奉持廣為人說後

有無數諸菩薩眾各從座起長跪叉手請視

佛面各興至願我等世尊最後末世被弘誓
鎧受是景模順斯深妙佛所宜慧諸菩薩等
所積德本道品之藏並使具足所在遊居當
擁護法聞是像經益加喜樂受持諷誦宜示
未達深入大猷時佛忻笑口中五色光出徧
照三千大千佛土地六返震動賢者阿難即
從座起長跪叉手前白佛言佛何因笑旣笑
當有意光明普照地即大動佛告阿難汝寧
見此諸菩薩衆住立我前在後末世當護正
法被弘誓鎧以救危厄佛識念之往無數劫
於諸佛所被如是像弘誓之鎧面從諸佛受
斯經法持護三品開導無數衆生之類今是

等來在於佛所承三品義受是正法今幸佛
前然後末世法臨沒時多所開化未達衆生
而令受佛三品正法在於賢劫諸佛興見亦
當從受千佛訓誨三品正法又將來世諸佛
聖所啓受亦然。是等阿難諸族姓子功勳名
德不可得察。莫能稱計所行經法。是諸族姓
持人菩薩所問經四
子安隱衆生。而供養佛。假使如來十一班宣。是等
以受正道安隱衆生。皆以不信。若不信者。長
夜不安。隨于惡趣。又復阿難當為汝等現其
證明。如斯等類安隱衆生。正使三千世界一
切衆生。皆由想行。故墮地獄。假使大衆有地
獄中。有一人生。告地獄人。無得恐怖。當為汝

等一一導利以時方便出大地獄苦惱之患
則以己身一一濟之移著安處一人故無
數千歲忍在地獄未曾懈廢普令致安阿難
其人於衆生慈愍弘哀寧增多不出大地獄
立大安隱阿難言甚多甚多天中天佛言假
使彼人顯示神足如是巍巍令衆生類立第
一最有為之安長樂無患極成弘哀皆逮覆
護其功德福非心所思非言可暢佛告阿難
今故語汝如彼菩薩於大地獄出無數衆生
之永安所愍衆生若合集是前所安隱順和
衆生使濟大難至有為安百倍千倍億萬倍
巨億萬倍不如族姓子受是像經所以者何

計其所興有為之安寧有極盡矣不至無為
不離貪欲不致滅度逮神通正覺之業不成
寂志泥洹之要又阿難是諸菩薩建立衆生
無上大安一切智業又是菩薩以大士法志
學道乘建立佛道度諸衆生立諸聲聞緣覺
之地勸助佛法修菩薩行住于大道斯諸族
方姓子勸助衆生行菩薩法不料佛十二數語啓次
雄受立弘慈成一切智故功無限佛言阿難
由是正法若干劫中若無數劫不可計限億
百載劫懸邈如是諸佛世尊常不空聞展轉
相教及餘無數億百千劫轉復相度使成
佛而無窮功故無限所以者何億千百佛本

住宿世行菩薩業建立律道斯等之類在在
所生受是經典各用勸助逮無上正真之道
成最正覺將來之世無數菩薩多所開化不
可計衆是以勸助具足佛法成無上正真之
道也。如是何難諸族姓子訓立衆生一切智
安無上大道欲平等有法父母者正當謂之
諸佛菩薩道法父母。今是菩薩擁護自歸普
得自立是所謂安處陀和憍曰兜等五百人
等則法父母斯諸菩薩護是正典族姓子族
姓女等不違佛教亦不絕一切智本於將來
世臨法欲沒為諸衆生建立大護住在大哀
開益一切以是勸助在於末世而安護之不

墮惡趣令無數千億菩薩業若無數佛共嗟
歎是族姓子等功勳之德不能究竟所以者
何是諸族姓名勳在德不可思議佛告阿難
佛無數劫億千兆載合集積累是正法寶其
受是法族姓子等十方無數不可計會諸佛
世尊遊無限土今見在者咸共擁護學是法
者皆令安隱佛言阿難天上世間悉為是等
諸族姓子稽首禮敬歸命諮受十方諸佛悉
嗟歎之所演經法以示不逮阿難佛以預印
印是族姓子決一切疑若後末世受如是像
無上正法持諷誦說宣布同學是族姓子及
族姓女以為疾近一切智業臨法滅時聞是

方

持人菩薩所問經四

十三

景摸深妙經法懷喜信者佛以授決祈菩薩
乘如是至真最後末世愛護是法建立己身
而愛樂法佛以勸助是諸族姓子及族姓女
而不誹謗斯深妙法佛預授決諸聲聞乘見
彌勒佛出現於世諸漏已盡無有愛欲用受
信是深妙法故未曾誹謗致是功報佛言若
菩薩學聞是深法信樂悅豫亦皆授決在於
彌勒如來世時出家學寂而復誓願乃有殊
特佛謂是族姓子女德本調柔功勳無際臨
法欲沒最後末世受斯深法奉行精進德不
可量巍巍如是

持人菩薩所問經囑累品第十四

尔時持人菩薩前白佛言願佛建立以轉法
者不求名利最後末世間是正法顯發忻悅
受微妙義以是之故疾解諸法逮分別慧速
得意力剗判諸法曉了道慧所生之處識念
不忘以大法光照於十方佛言持人若有菩
薩觀是法品大智慧業無極明本續大功德
方持人菩薩所問經四
不可限量若將來世受是法品持誦讀及
餘深經菩薩篋藏諸度無極勤心奉行魔事
因緣不能得便不為罪蓋之所覆蔽佛預受
况見兩三佛輒當逮得無所從生法忍其得
忍者亦當得是無上道品自解諸法而得自
在嚴淨佛土具足聲聞受其道教奉菩薩行

如是持人佛下印封斷一切疑最後末世現
得四義自在之業行菩薩大士法受是經典
而擁護之被弘誓鎧何謂為四一曰受已德
本甚大無極不可限量不可計會二曰當為
衆生顯發善元三曰諮受如來正法經要四
曰執持法藏無央數佛所宣道化是為四後
有四法最後末世將護深法何謂為四一曰
攝取精進在弊惡世受行正法二曰若在厄
難第一苦毒諍亂正法所持法品人共闕時
化令和合擁護正法三曰行發忍辱具足仁
和四曰在於末世心不懷恨往來周旋常行
慈愍是為四得致深法疾逮一切智尔時魔

陀和憍曰免五百菩薩及餘菩薩聞佛說是
道品正法咸住佛前心自念言於後末世擁
護正法佛以右掌摩諸菩薩而告之曰諸族
姓子佛無數劫而精習是無上正真道成大
寶藏甚用勤苦忍遭困厄所濟無限使得大
安捨身之安而憂一切乃致道法成最正覺
持人菩薩所同經四
以異仁等若有學誦逮是法者廣為四輩而
敷演義若三品法欲毀壞時當建立護尔乃
振揚無極大光佛重以累族姓子等如來猶
父諸賢如子佛猶國君諸仁如臣父慈子孝
君正臣忠天下和平吾無數劫習是正法道
德寶藏令普流布八極上下諸天人底可切

方

持人菩薩所同經四

十五

慈孝自歸命佛佛以大哀皆共蒙濟。爾時諸
菩薩衆從毘陀和憍曰兜等五百群衆稽首
佛足前。白佛言。承佛聖旨。任力盡意。將護末
世佛所宣教。惟願如來建立垂恩。最後末世
令斯正法道寶之藏。使普流布八方。上下一
切皆蒙佛加威神。說是法品。有無央數。不可
計會。諸菩薩衆。得一生補處。德本道慧。皆以
備悉。無數億千諸天人。民皆發道心。佛悉授
決於將來世。皆得佛道。各有名号。佛說如是。
持人菩薩及一切菩薩。毘陀和憍曰兜等五
百群衆。四部衆會。諸天世人。阿須倫。聞佛所
說。莫不歡喜。作禮而去。


持人菩薩所問經卷第四

糜散上蜜碑反 價求位反 殃豐許迥反 白毘

音牒布也 不娶妻号也 取取 殿陀蒲末 大猷音 邈角

速也反 篋藏上苦

持人菩薩所問經四



十六



